

প্রেস বিজ্ঞপ্তি

জানুয়ারী ৩০, ২০২০ইং

আপনারা অবগত আছেন যে, গত কয়েক সপ্তাহ যাবত চীনসহ পৃথিবীর বিভিন্ন দেশে নতুন একটি করোনা ভাইরাস এর প্রাদুর্ভাব দেখা দিয়েছে। এ সম্পর্কে বাংলাদেশ সরকার এর স্বাস্থ্য ও পরিবার কল্যাণ মন্ত্রণালয় সম্পূর্ণ পরিস্থিতি পর্যবেক্ষণ করছে এবং প্রয়োজনীয় ব্যবস্থা গ্রহণ করেছে। ২০১৯-nCoV পরিস্থিতি মোকাবেলা করার জন্য অধিদপ্তর ও আইইডিসিআর যৌথভাবে ২০১৯-nCoV কন্ট্রোল রুম স্থাপন করা হয়েছে। স্বাস্থ্য অধিদপ্তর ও আইইডিসিআর এর ২০১৯-nCoV কন্ট্রোল রুম থেকে বিভিন্ন কার্যক্রমঃ (জানুয়ারী ৩০, ২০২০ইং)

১. ২০১৯-nCoV নিয়ন্ত্রণ কার্যক্রম এর অংশ হিসেবে বিমান বন্দর এ কর্মরত সকল বিভাগের অধিকতর সমন্বয় এবং এয়ারলাইন্স সমূহের আশু করণীয় সংক্রান্ত সভা অনুষ্ঠিত হয়। উক্ত সভায় ২০১৯-nCoV নিয়ন্ত্রণ এ চলমান কার্যক্রম পর্যালোচনা করা হয় এবং সুষ্ঠুভাবে সম্পন্ন করায় সংশ্লিষ্ট সকলকে ধন্যবাদ দেওয়া হয় এবং সকল কার্যক্রম জোরদার করার বিষয়ে সভায় সকলে ঐক্যমত পোষণ করেন। বর্তমান কার্যক্রম এর আওতায় ৪টি এয়ার লাইন্স কে স্ক্রিনিং এ সহযোগিতার জন্য বিশেষভাবে ধন্যবাদ দেয়া হয় এবং ভবিষ্যতেও সহযোগিতা কামনা করা হয়। উপস্থিত অন্যান্য এয়ারলাইন্সকে ধন্যবাদ জ্ঞাপনপূর্বক সবার ২০১৯-nCoV নিয়ন্ত্রণ এ সর্বাত্মক সহযোগিতা করার জন্য আহবান করা হয় এবং পরবর্তীতে প্রয়োজনে সকল এয়ারলাইন্সকে স্ক্রিনিং এর আওতায় আনার কথা জানানো হয়।
২. সভায় উপস্থিত সকল এয়ারলাইন্স প্রতিনিধিগণ সামাজিক দায়বদ্ধতার (CSR) অংশ হিসেবে স্বাস্থ্য তথ্য কার্ড (Health Information Card), স্বাস্থ্য সংক্রান্ত ঘোষণাপত্র (Health Declaration Form), Public Health Passenger Locator Form ছাপিয়ে যাত্রীদের মাঝে বিতরণে সম্মত হয়েছেন।
৩. সনাক্তকৃত ২০১৯-nCoV রোগীর চিকিৎসার অংশ হিসেবে সকল জেলা হাসপাতাল ও মেডিকেল কলেজ হাসপাতালে প্রয়োজনীয় ঔষধ ও সরঞ্জামাদি প্রস্তুত রাখার জন্য নির্দেশনা দেয়া হয়।
৪. ২০১৯-nCoV নিয়ন্ত্রণের পদক্ষেপ এর অংশ হিসেবে ২০১৯-nCoV সংক্রমিত রোগী সম্পর্কে করণীয় সকল বেসরকারী হাসপাতালে প্রেরণ করা হয়েছে।
৫. সনাক্তকৃত ২০১৯-nCoV রোগীর চিকিৎসার অংশ হিসেবে সকল জেলা হাসপাতাল ও মেডিকেল কলেজ হাসপাতালে আইসোলেশন ইউনিট নির্দিষ্টকরণ করা হয়েছে।

২০১৯-nCoV সংক্রান্ত নিম্নোক্ত সচেতনতা মূলক বার্তা সমূহ জনগণের নিকট পৌছানোর জন্য অনুরোধ করা হচ্ছে :

যেভাবে ছড়ায়ঃ

বিশেষজ্ঞরা নিশ্চিত হয়েছেন যে, এই ভাইরাসটি একজন মানুষের দেহ থেকে আরেকজন মানুষের দেহে দ্রুত ছড়তে পারে। করোনা ভাইরাস মানুষের ফুসফুসে সংক্রমণ ঘটায় এবং শ্বাসতন্ত্রের মাধ্যমেই এটি একজনের দেহ থেকে আরেকজনের দেহে ছড়ায়।

লক্ষণঃ

- জ্বর এবং কাশি
- শ্বাস কষ্ট এবং নিউমোনিয়া
- অরগ্যান ফেইলিওর বা দেহের বিভিন্ন প্রত্যঙ্গ বিকল যাওয়া
- ভাইরাসটি শরীরে ঢোকার পর সংক্রমণের লক্ষণ দেখা দিতে প্রায় পাঁচ দিন লাগে। প্রথম লক্ষণ হচ্ছে জ্বর। তারপর দেখা দেয় শুকনা কাশি। এক সপ্তাহের মধ্যে দেখা দেয় শ্বাসকষ্ট।

প্রতিকারঃ

যেহেতু এই ভাইরাসটি নতুন, তাই এর কোন টিকা বা ভ্যাকসিন এখনো নেই এবং চিকিৎসা ও লক্ষণ ভিত্তিক। তবে-

- যারা ইতিমধ্যেই আক্রান্ত হয়েছে বা এই ভাইরাস বহন করেছে- তাদের সংস্পর্শ এড়িয়ে চলা
- বার বার হাত ধোয়া, হাত দিয়ে নাক-মুখ স্পর্শ না করা, ঘরের বাইরে গেলে মাস্ক পরা
- ভাইরাসটি এখন চীন এবং চীনের বাইরে ১৩ টি দেশে ছড়িয়ে পড়েছে

প্রয়োজনে আইইডিসিআর এর হটলাইন নম্বর এ যোগাযোগ করুন :

০১৯২৭৭১১৭৮৪

০১৯২৭৭১১৭৮৫

০১৯৩৭০০০০১১

০১৯৩৭১১০০১১

২০১৯-nCoV সংক্রান্ত সর্বশেষ পরিস্থিতিঃ (জানুয়ারী ৩০, ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০ থেকে অদ্যাবধি
এ পর্যন্ত বিমান বন্দরে চীন থেকে আগত স্ক্রিনিংকৃত যাত্রীর সংখ্যা	৪০৬	৩৭৫৪
স্ক্রিনিং এর মাধ্যমে বিমান বন্দরে সনাক্তকৃত সন্দেহজনক রোগীর সংখ্যা	০	০
আইইডিসিআর হটলাইন এ মোট কল এর সংখ্যা	৭৩	১৫২
আইইডিসিআর হটলাইন এ ২০১৯-nCoV সংক্রান্ত মোট কল এর সংখ্যা	১২	৩৭
আইইডিসিআর এ আগত ২০১৯-nCoV সংক্রান্ত মোট সেবা গ্রহীতার সংখ্যা	০৮	২১
নিশ্চিতকৃত nCoV এর মোট রোগীর সংখ্যা	০	০

অধ্যাপক ডাঃ মীরজাদী সেব্রিনা ফ্লোরা
পরিচালক
ফোন নম্বরঃ ০২-৯৮৪২২৭০